

六藝之一錄

四三



欽定四庫全書

六藝之一錄卷九十四

石刻文字七十

宋刻三  
銘記

新開肥河記

在廬州開寶四年立  
輿地碑目

五縣均田記

在廬州開寶四年立  
輿地碑目

錢唐倪濤撰

雙檜堂記

開寶間吳越刺史慎知禮撰在衢州府

輿地紀勝

南新縣記

太平興國八年知臨安縣事盧之翰撰

成化杭州府志

雙溪院記

右雙溪院記徐鉉書鉉與其弟鍇皆能八分小篆而筆法頗少力其在江南皆以文翰知名號二徐為學者所宗蓋五代干戈之亂儒學道喪而二君能自奮

然為當時名臣而中國既苦于兵四方僭偽割裂皆  
褊迫擾攘不暇獨江南麤有文物而二君者優游其  
間及宋興違命侯來朝二徐得為王臣中朝人士皆  
傾慕其風采蓋亦有以過人者故特錄其書爾若小  
篆則與鉉同時有王文秉者其筆甚精勁然其人無  
足稱也治平元年上元日書

集古錄

### 涵碧橋記

大中祥符五年兩浙水陸轉運使陳堯佐撰

成化杭州府志

金繩院記

大中祥符中觀察推官關杞撰寶慶四明志

衣錦亭記

天禧間張君房作以馬亮兩守鄉國故名輿地碑目

嚴子陵釣臺記

邠餽丹陽人以篆顯于天聖間范文正公作釣臺記  
請之書曰先生篆高出四海或能枉神筆于片石則  
嚴子陵之風復千百年未泯餽為之篆至今為奇觀

墨池  
編

魯浦亭記

天聖六年正月秘書丞黃鑑撰

至元嘉禾志

宣德軍節度判官廳壁記

天聖八年大理司直節度判官張侁撰

吳興掌故錄

儀鳳橋記

天聖二年鄭戢撰

吳興掌故錄

浮玉亭記

天聖四年鄭戢撰安吉尹希古書刻在亭中吳興掌故錄

重修仙華館記

天聖七年十月張蒙撰浦江縣志

參雲亭記

慶歷七年台州守元絳撰赤城志

台州新造刻漏記

皇祐壬辰三月馬仲甫記此碑今亡其半林逢吉赤城集

雙門記



至和二年莆田蔡襄撰

成化杭  
州府志

夢野亭記

在復州景祐五年郡守王琪撰

輿地  
碑目

有美堂記

嘉祐四年歐陽修撰蔡襄書

成化杭  
州府志

右字大如錢隸題美茂宋世稱能書者四家獨盛然

四家之中蘓醞藉黃流麗米峭拔皆令人歛衽而蔡

公又獨以渾厚居其上豈非以莊嚴簡重望之如有

德之士而自令人心服雖欲凌駕其上而自不能者

哉蒼潤軒  
碑跋

秀野堂記

嘉祐己亥五月竹窻常棠記兩浙路轉運司王常棣

書溱浦  
志

吳興倅廳題名記

嘉祐六年秘書省秘書郎通判軍州章衡撰  
吳興  
掌故

衆樂亭記

嘉祐六年丹陽邵亢撰

延祐四  
明志

清暑堂記

治平二年莆田蔡襄撰并書

成化杭  
州府志

杭州府治記

杭州府治舊在鳳凰山之右至和元年郡守孫沔重

建蔡端明襄撰記并書刻石于門之右今石刻在和

寧門內

咸淳臨  
安志

萬安橋記

蔡襄書萬安天下第一橋君謨此書雄偉道麗當與  
橋爭勝結法全自顏平原來惟策法用虞永興耳書

錦堂差近之荔枝茶譜不足道也瑯琊王世貞

舟州山人

藁

王元美云萬安天下第一橋君謨此書雄偉道麗當  
與橋爭勝結法全自顏平原惟策法用虞永興耳余  
觀此書雄偉道麗實有之而結似平原無其緊密策  
似永興無其秀逸時代為之非君謨罪也

石墨  
鐫華

元鄭杓子經著行極取古今十三人謂蔡公書起五  
季之衰萬安為摩崖之苗裔可謂確論蓋大書不難  
于矩矱而難于得天真趣今以此觀之只似作蠅頭

小楷此固其過人者耶

立牘  
紀

### 畫錦堂記

右宋歐陽文忠作畫錦堂記蔡君謨書君謨書甚重  
于當時刻石四方多矣今余家獨有此碑得之錢習

禮檢討云

東里  
續集

韓魏公以上相作畫錦堂于相州時歐陽文忠以參政為之記而蔡忠惠以三司使書之時稱三絕又謂忠惠每一字必寫數十赫蹠竝合作而後用之以故書成特精絕世所謂百衲碑者是也今觀其用筆特遒勁偉麗出入清臣誠懸間而不無段師琵琶之謂

然自宋書家當以襄為首云

兪州山人藁

蔡忠惠公書此記凡一字數十更存其合者纔得顏碑什七耳今日得宋榻徐季海書洺州府君碑以其

意為此如黃金鑄范少伯一鑄而就止以速成自喜

不計工拙也

書畫  
眼

### 六井記

熙寧七年太常博士通判杭州蘇軾撰

成化杭  
州府志

### 龍井記

高郵秦觀撰鄭丞相清之跋

咸淳臨  
安記

### 淳化縣重興古渠記

元豐元年仲冬殿中丞方仲謀記

嚴陵  
志

銷暑樓記

元祐五年呂升卿撰并書

吳興掌  
故集

京兆府新移石經記

右京兆府府學新移石經記一帙乃宋元祐五年黎  
持為文安宜之正書以紀呂公移碑之故者呂公此  
舉真光明俊偉有功斯石余嘗兩觀石本慨想蔡中  
郎選軌然後知斯記之作所關者大

立續  
紀

歲寒橋記



元祐中瀛州防禦推官知縣事徐評撰

成化杭州府志

### 王峰軒記

呂大防總管永興軍創軒于興教寺陳正舉為之記  
大防名在青史與弟大忠等考禮定約至今傳藍田  
呂氏鄉約不替獨以軒以記哉今軒已亡記猶在寺

壁文與書俱不足稱也

石墨  
鐫華

### 醉翁亭記

此宋學士蘇公東坡之筆趙子固家藏舊物也今為

伯田馮先生所得余在京時嘗見此卷於高仁卿家  
前後有子固印識今業已乏想為俗工裁去詎謂神  
物而灾亦見侵如是然而字畫未損猶幸甚耳夫有  
志于法書者心力已竭而不能進見古名書則長一  
倍余見此豈止一倍而已不識伯田之所自得又幾  
何元貞二年四月一日持來求跋聊為書之吳興趙

孟頫

珊瑚網

新鄭公家藏蘇書醉翁亭記今刻之石結法道美氣

韻生動極有旭素屋漏痕意第不類蘇長公余見蘇  
行草不少唯渴筆一二得似耳正書遂無毫髮且公  
此書既不登石不應復用前跋豈公沒後有王逸老  
者居恒欲出懷素上乃其筆邪或南渡諸公如陸務  
觀張溫甫輩觀瑯琊石刻戲書之邪又念三君不辨  
此妙境令人怵怵跋尾趙吳興小愜慢而踈不應稱  
宋及趙子固并沈啓南吳原博跋恐亦未為真耳區  
區不能隨人悲笑因記於此以俟夫識者

弇州山人葉

此新鄭公得之徽廢邸者公命摹刻摹者文壽承故能縱橫自如字字不失真態其真蹟一入江陵再入大內今世所傳乃摹本耳王元美再三致疑初以為不似公書公沒後有王逸老者自欲出懷素上或是其筆又或陸務觀張溫甫輩戲為之后又云渴筆縱筆拂策磔掠有折釵股屋漏痕法以為公與到書則又不類又云趙吳興宋昌裔沈啓南吳原博跋是入石時壽承作此伎倆無一真者當盡割去之以備一

家余蓄有此帖亦時展玩其中無一筆類長公者但此君筆法雖不能盡脫宋習却勝長公何不自顯姓名而署長公耶殆不可曉然謂或為長公與到書則斷無是理也諸跋非真亦似有據第無從証之

石墨  
鵝華

### 蘇軾書羅池銘

東坡公書柳子厚羅池銘辭道勁古雅是其書中第一碑內步有新船秋鶴與飛昔人證之已明無足論者子厚英秀鬱鬱未吐沒為明神亦是常理獨怪嫚

客死當是附任文態未洗盡耳  
弇州山人葉

### 乳母銘

此刻在黃州近有人於土中得之蓋子瞻親書于石者以故比之他書尤淳古道勁其用墨過豐則顏平

原之遺軌也  
弇州續藁

### 黃庭堅書戒石銘

右宋黃文節公庭堅書戒石銘有呂忠穆公頤浩題識戒石銘本蜀王孟昶所作宋太宗摘其中四句令

天下郡縣皆刻石寘公署之前覆以小亭長吏坐則  
正對之此蓋高宗紹興二年六月復頒庭堅所書摹  
本於郡縣命長吏刻石置坐右是時軍旅之務方殷  
廟堂日不暇給而能用意于此可見君相急于所重  
而民心所以不去宋也忠穆前年九月自開府儀同  
三司拜少保尚書左僕射同中書門下平章事兼知  
樞密院事是年四月奉詔都督江淮荆浙諸軍事如  
鎮江開府七月召還此當是還朝後所題於今二百

九十有五年矣當時郡縣所刻石者今多不存余猶及見士大夫家所藏建康及紹興石刻拓本此本莫究所出而忠穆九世孫大理少卿升間以見示為書

其後以歸之

東里集

魯公碑陰記

米芾行書宋世書稱蔡蘇黃米然南宮雖自晉唐諸名家出而其法亦少變焉此帙筆勢猶端謹無怒張穠纖之失其亦因魯公而變之者與

蒼潤軒碑跋



蕪湖縣學記

米顛大言于書家少所許可而自作此札側筆縱筆  
雖極雄傑不免粗踈王元美乃稱其有千金蹠躩過  
都歷塊之氣恐未敢信也

石墨  
鐫華

此碑在米書中最高為瓌璋吾鄉嚴子寅酷愛南宮書  
每日臨千百字敝則更易一帖此本不知是第幾次  
裝者今歸元白余得厭觀之遂書以記

蒼潤軒  
碑跋

米芾書龍井記

天水尹希賓嘗蓄米老所書秦太虛龍井記石本字畫雄放但其文惜多缺處其子寬因錄全文于前以便讀者託吾友史明古求余題之尹君之意雖為故物重然亦重乎米書而又不無重乎太虛之文也君如重其文則太虛又嘗有龍井題名記及東坡跋語更錄以附于後則不獨全龍井之文且并龍井之事全矣余方與明古約同遊杭預期日月而龍井者杭之勝處也至則當按記文所載次第登覽亦將為數

語以續古人歸其為君再書以附之

純翁家藏集

### 劉次莊戲魚堂記

劉御史書最妙小楷其原蓋出王大令褚河南而能兼採羣書為一家雖體本媚弱行草差劣然求之今

世亦非多有此帙所錄魚記最善其後數刻皆不逮

也石蒼舒書雖有骨氣而失于麤俗視劉遠矣

東觀餘論

### 安民堂記

宋邵毓行書安民堂記與梁彥道碑右邵毓書二碑

其一前有飛白安民二字乃仁宗書以賜錢晦者世  
 稱飛白始自蔡中郎而右軍稱善然今都不可見書  
 學者即此觀之亦可以見其飛翥之遺意矣按書毓  
 字仲恭丹陽人曾知蘇州工正行字體清勁二書可  
 稱能品嘉靖甲寅四月七日題

蒼潤齋  
 碑跋

章惇草堂寺題記

子厚與子瞻遊而題此書亦用卧筆間用渴筆遊絲  
 法亦道逸可存也

石墨  
 鐫華

蘇元老龍洞記

元老深得君家卧筆法此記亦似之石泐不可讀間

有存者數字耳

石墨  
鐫華

蔡京草堂寺題記

蔡太師故非端人而書自不惡此自龍圖閣出知永興軍祀高觀潭題者考其時與章子厚相繼而至書

雖遜子厚乃兩人濟惡政當同觀

石墨  
鐫華

卞有遊山記

在靈巖寺元祐壬申金石文  
字記

女兒渡浮梁記

紹聖三年彭城劉滌文蘭溪  
縣志

郭思遊山記

在靈巖寺大觀戊子金石文  
字記

思政堂記

鄭彥文撰在乾州天下金  
石志

無私堂記

石月先生撰政和三年在萊州

天下金石志

西湖塘記

政和五年正月倪尚忠撰

浦江縣志

南下湖水利記

餘杭縣丞成無玷撰宣和五年四月朔立

成化杭州府志

勅書樓記

宣化六年進士倪鏜文

蘭溪縣志

望雲橋記

宣和二年南城曾峴文

蘭溪縣志

錦溪館記

宣和辛丑四月陳暉記

嚴陵志

罷湖田碑記

紹興二年七月主管臨安府洞霄宮方元若記

上虞縣志

鹽官縣令續題名記

紹興九年三月秘閣修撰張九成撰并書

海寧縣志

三江亭記



紹興十年正月潘良貴撰

延祐四  
明志

仇待制鄉飲酒置田記

紹興十一年正月王伯庠撰

至正四  
明志

逸老堂記

紹興十四年八月莫將撰

延祐四  
明志

富陽縣放生池記

紹興二十年縣尉韓彥端撰并書

成化杭  
州府志

重建經綸閣記

紹興二十五年二月徐度撰

延祐四  
明志

通濟橋記

紹興二十二年縣尉詹叔善文

蘭溪  
縣志

兩浙轉運司題名記

紹興三十二年副使陳輝撰淳祐中大監吳子良續

記

咸淳臨  
安志

畫簾堂記

紹興壬午閏二月趙省撰

延祐四  
明志

壽聖院記

紹興丁丑十一月陸游記

紹興府志

湘山正路記

紹興二十三年唐時撰儀真進士李昌國書并篆額

蔣權湘山事狀

朱孝子墓亭記

紹興二十六年全州教授黃次元撰通判全州軍事

主管學事王次山書并題蓋

湘山事狀

笏竹亭城記

紹興二十年郡守黃濟遣人取笏竹以為城胡賓為

記

廖演新  
昌集

通判北廳壁題名記

乾道元年通判吳堅常撰吳革續記

咸淳臨  
安志

憧憧橋記

乾道五年侍御王伯庠撰

寶慶四  
明志

廣生堂記

乾道元年九月朱翌撰

至正四  
明續志

柱笏軒記

乾道三年十二月周莘記

淳安  
縣志

東陽縣石洞記

乾道八年潼川王棟記

石洞遺  
芳集

處州通濟堰記

乾道間郡守范成大重修自為記

括蒼  
彙紀

湘山法堂記

乾道辛卯州學教授信安祝禹珪書

湘山事狀

霞起堂記

淳熙三年台州守尤袤記

赤城志

節愛堂記

淳熙四年守尤袤記

赤城志

嚴州守社壇記

淳熙七年四月知南劍軍州事羅願記

嚴陵志

無倦堂記

淳熙十一年倪思撰

仁和縣志

仰高亭記

淳熙十一年九月陳申撰

海寧縣志

景行堂記

淳熙十二年八月新安朱熹記

衢州府志

重修石岡陡門記

淳熙十二年三月陳傅良撰

瑞安縣志

温州重修南塘記

淳熙十四年三月陳傅良撰

温州府志

休寧縣明倫堂記

右在休寧縣乃淳熙甲寅卻補之記并書不甚佳

續

紀

修河漕記

孝宗時直學士程文昌撰待制沈樞書

吳興掌故集

海鹽新修學記

紹熙三年謝諤記并書

至元嘉禾志



嚴州重修百丈橋記

慶元五年十二月胡朝穎記

嚴陵志

重修南下湖塘記

宋徐安國撰慶元丙辰正月立

成化杭州志

建慶元縣經始記

嘉泰元年十月知縣富嘉謀記

慶元縣志

通判東廳題名記

嘉泰元年趙師石撰姚岩續記

成化杭州志

青溪橋記

嘉泰三年七月楊嗣起撰

台州府志

富陽縣主簿廳題名記

嘉泰癸亥鄞縣汪之剛撰姑蘇范之柔書

廖瑜杭州府碑碣目

安養院記

開禧二年正月石宗萬記

嚴陵志

昌化縣新亭記

開禧三年三衢徐冠撰

咸淳臨安志

淳安縣嘉定橋記

嘉定元年五月信安鄭湜記

巖陵志

豐暇堂記

嘉定元年劉天益撰

平陽縣志

兩浙轉運司主管帳司廳壁記

嘉定十年四月李冲撰

咸淳臨安志

增造貢院記

嘉定十四年樓少卿觀記

赤城志

鎮海樓記

寶慶二年武岡倅李劉撰 寶慶四明志

蘭溪縣悅濟橋記

寶慶丙戌推官沈唐老文 蘭溪縣志

仁和縣治廳壁記

紹定五年喬魯公行簡記 咸淳臨安志

長水三教院記

紹定六年三月吏部尚書陸德輿撰 嘉興府志

臨安府城南廂廳碑記

嘉定十一年六月鄭湜作寶慶丙戌七月程秘續咸淳

臨安志

臨安府重建直司記

紹定己丑十二月徐愿撰咸淳臨安志

臨安府教授題名記

慶元戊午七月楊萬里記咸淳臨安志

湘山甲亭記

慶元丙辰歷陽張孝忠王臣書

湘山  
事狀

湘山鐘樓記

嘉定辛巳太府少卿林岳記慶元府府學教授韓補

書

湘山  
事狀

崇德縣刻漏圖記

嘉定八年嘉興府司戶叅軍權縣事趙與袞書

至元  
嘉禾

志

永和隄記

紹定庚寅陽月叅政許應龍記

咸淳臨安志

餘杭縣治廳壁記

紹定癸巳七月洪忠文咨夔撰

咸淳臨安志

會心樓記

紹定辛卯洪咨夔撰

咸淳臨安志

廣惠院記

紹定辛卯七月權發遣嘉興軍府事吳潛撰

至元嘉禾志

崇德縣樓記

紹定二年四月行秘書省校書郎吳潛撰至元嘉禾志

浙江安撫司主管機宜文字廳壁記

端平三年十月太學正湯中撰成化杭州府志

重建奉國軍門記

嘉熙二年觀文殿大學士鄭清之撰寶慶四明志

修社稷壇記

嘉熙元年正月藉田令趙汝騰撰浦江縣志

青溪橋記



淳祐六年華文閣直學士王遂記

嚴陵志

浙江安撫司僉廳壁記

淳祐十二年趙與憲記景定二年王應鳳續

成化杭州府志

淳安縣重建譙樓記

淳祐丁未寶章閣待制程公許記

嚴陵志

修刻漏記

淳祐丙午三月虞牂記

嚴陵志

淳安縣平糴倉記

淳祐甲辰郡博士桂錫孫記嚴陵志

廣惠院記

寶祐五年觀文殿大學士判慶元軍府事吳潛撰開慶

四明續志

鄞縣高橋記

寶祐五年七月寶謨閣直學士袁商撰朝散大夫趙

隆孫書主管建康府崇佑觀豐芭篆蓋開慶四明續志

慈溪縣廣利橋記

寶祐六年七月朝奉郎桂錫孫記朝奉郎孫因書朝  
請大夫程士龍篆蓋通直郎知慶元府慈谿縣事周

棟立石

開慶四  
明續志

建康府新安樂廬記

馮元演撰寶祐五年知府馬光祖建以極道路疾病

之無所歸者

金陵古  
金石考

修逸老堂記

開慶元年七月觀文殿大學士判慶元軍府事吳潛

撰直秘閣致仕張即之書直寶章閣趙汝楙題蓋開慶

四明續志

平橋水則記

開慶元年三月吳潛撰開慶四明續志

壽昌縣創定安寨記

景定庚申通判曹元發撰

寄收庫記

咸淳八年盧尚書鉞撰咸淳臨安志

嘉興推廳記

咸淳己巳三月永嘉王持屋書

弘治嘉興府志

建德縣進士登科記

咸淳庚午長至知建德縣余植記

建德縣志

救荒記

主管建昌軍仙都觀黃宗仁記并書知臨安府浙西

安撫使潛說友題蓋知建德縣余植立石

建德縣志

孝行記

咸淳七年知建德縣余植記建德縣志

無歲月

忘歸亭記 陳師道撰在興安州天下金石志

子隱堂記 梅摯撰天下金石志

相儒堂記 程元鳳立在徽州府天下金石志

薰風樓記 陳堯叟奉敕撰在蒲州天下金石志

江漢堂記 晁補之撰在慶陽府天下金石志

東坡墨妙亭記 蔣燦書吳興掌故集

高座寺雨花臺記 馬光祖文并書 金陵古金石攷

於潛縣儒學重修記 縣人吳度撰東平郝德新書潘

容篆額 杭州府碑碣目

石彥政吏隱堂記 張安祖書字雖未足名家然清宛

不俗亦宋人中之平實者 墨林快事

蓮花井記 范令光撰 咸淳臨安志

三賢堂記 程侍郎秘撰 咸淳臨安志

豐儲倉記 著作佐郎林應辰記 咸淳臨安志

咸淳倉記 吏部侍郎兼直學士馮夢得記 咸淳臨安志

捍海塘石隄記 丁寶臣作 咸淳臨安志

於潛浮溪橋記 李教授廷忠撰 咸淳臨安志

修渙堂記 知嘉興軍府四明史宅之撰 至元嘉禾志

迎春橋記 通判軍州胥偃撰 吳興掌故集

隱德堂記 奉化丞諸葛興撰 寶慶四明志

甬江樓記 呂祖儉撰 至正四明續志

義莊記 樓鑰撰 延祐四明志



義田莊先賢祠記

王應麟撰

延祐四明志

台州重修城記

呂祖謙撰

宋林逢吉赤城集

台州重修社稷壇記

樓鑰撰

赤城集

重建中津橋記

高文虎撰

赤城集

桐山石橋記

羅適撰

赤城集

重修桐山橋記

唐仲友撰

赤城集

委羽山記

謝伋撰

赤城集

王霄亭記

尤袤撰

赤城志

劉阮洞記

宋鄭志道撰

天台方外志

應心泉記

宋賀允中撰

天台方外志

習養瀑泉記

宋陳襄撰

天台方外志

萬年覽衆亭記

宋福建轉運副使賀允中撰

天台方外志

清如堂記

馬光祖建取勅書一清如水之語名之梁

椅撰記

金陵古金石攷

籌思堂記

邊惇德撰

金陵古金石攷

四老堂記

韓元吉撰

金陵古金石攷

忠宣堂記 劉宰撰籌思四老忠宣皆宗轉運司內建

金陵古  
金石志

飛泳堂記

楊邁撰在江東運管廳

金陵古  
金石攷

戲綵堂記 知建康府王埜撰在轉運司真德秀將母

出使葦而名之

金陵古  
金石攷

東治亭記

知上元縣梅摯撰

金陵古  
金石攷

史正志新亭記 正志以蔡寬夫宅基貢院重建新亭

東治亭二水亭

金陵古  
金石攷

二水亭記

知建康府史正志撰

金陵古  
金石攷

此君亭記

亭在華藏寺蓋竹所也

金陵古  
金石攷

賞心亭記

蕭山則撰亭在下水門之城上下臨秦淮

丁謂建

金陵古  
金石攷

風亭記

張伯玉撰戚氏志亭在斗門橋側折柳亭東

葉清臣建所謂水館也

金陵古  
金石攷

翠微亭記

知建康府吳淵撰亭在清涼寺後四望山

上淳祐十二年總領陳綺建

金陵古  
金石攷

川泳軒記

周必大撰

金陵古  
金石攷

存愛軒記

周師成撰

金陵古  
金石攷

高齋記

胡宿撰在南唐舊子城月臺上下臨濬濠北

面覆舟南對長干西望治城立齋其上

金陵古  
金石攷

學齋記

杜尚書杲撰

金陵古  
金石攷

敬齋銘

傅行簡撰

金陵古  
金石攷

元時敏江寧涼館記

米芾書呂升卿建

金陵古  
金石攷

繡春園記

宋端平二年重建高定子為之記

金陵古  
金石攷

使華園記政足園記

戴楠撰二園在宋總領所內

金陵

古金  
石攷

東南佳麗樓記 李衢撰樓在古銀作坊名賞花樓馬

光祖重建即今江寧縣地也

金陵古  
石攷

青溪閣記 朝奉郎張椿撰知府史正志移放生池於

青溪建青溪閣

金陵古  
石攷

青溪先賢堂記

周應合撰

金陵古  
石攷

義井記 知江寧府李迪撰在天禧寺側即金報恩寺

鎮淮飲虹二橋記

梁椅撰

金陵古  
金石攷

重修鎮淮飲虹二橋記

一劉叔向撰

一知建康府

邱密撰

金陵古  
金石攷

補錄

放生池德生堂記

高文虎撰

咸淳臨  
安志

高文虎字炳如號為博學名儒疾程文浮誕其為少

司成專以藏頭策問試士問目必曰有某人某字者

士不能應但以也字對者士之憤高也久矣會京尹

趙師昇奏請盡以西湖為祝聖池禁捕魚者作亭池  
上甚偉穹碑略摩雲高實為記其文有曰鳥獸魚鱉  
咸若商歷以興既以鋟之石石本流傳殆不可揜改  
商為夏隱然猶有刊跡無名子作為詞以譏之云高  
文虎稱伶俐萬苦千辛作放生亭記從頭沒一句說作  
官家盡把太保歸美這老子忒無廉耻不知潤筆能  
幾夏王說不是商王那禽獸魚鱉是你然無名子之  
嘲胡可深信今詳載其記于後云蓋商字特筆誤而



或者乘間而詆之耳

記曰皇帝踐阼之五年乾坤清夷瀛宇寧謐施仁霑澤損賦薄刑所以養民本迓天休德至渥也而又勵精圖政尊賢除能功亮績熙大小咸舉乃時駐蹕寔惟錢塘命尹神臯聿嚴厥選權尚書工部侍郎臣趙師翼以材學獻力宣聲一時昨拜大農兼治天府凡厥董察節農振兵束吏至于簿書期會金穀錫筭以及郊兵之供宮庭之入百司庶府之須紀綱規目肅

肅具叙茲表治行擢登從班其在四年十月七日師  
翼嘗奏曰臣仰稽聖代龍興舊因西湖為放生池者  
天禧中太子太保判杭州王欽若之所請也西湖利  
害難弛者五放生之舊蓋居其一者元祐中龍圖閣  
學士知杭州蘇軾之議也紹興明詔適廣至恩化育  
所覃罟戈有禁淳熙慶壽申飭淵謨蓄殖既昌福應  
攸侈當奉三宮之康福縣萬世之本支所宜日長月  
滋益多祉福顧今穹碑混于草莽條禁隳于姦豪甚

非所以奉寬大勤首善也謀以誕聖之期同致華封  
之祝在嚴戒令謹隄防築圍宮林禁當並飭富強挾  
貴在所必行庶迪帝心用蕃國本制曰可于是相攸  
度趾近接城闈左涵右通作亭五楹前有臺榭揭名  
德生以侈上賜又作亭三楹俯納湖浸祝經縱鱗所  
臨也又作亭三楹內缺山址舊刻新銘所峙也植以  
華表乘之嘉名奉詢畫者錢唐尉扈武也亭成之日  
都人聚觀和氣懽聲盤薄無際祝皇之壽與天並崇

祝皇之基與地同久蓋自茲始猗歟盛哉竊惟宗受天命列聖重光一以寬仁守為家法兵不輕用刑不妄施雨露所涵舟車所至滲漉亭育潤澤豐美況于萬物乎然鳥獸魚鱉咸若夏歷以興澤及鳥獸昆蟲周家以盛有天下者發政施仁未有不本諸此師罪誠能推廣旨意形于告猷迄俾恩流與宋無極詩云天保定爾以莫不興如山如阜如岡如陵如川之方至以莫不增維時有之臣既書其事復繫以銘曰天

賜宗命世世以仁宗媚于天文武聖神維天曰生皇  
矣旻旻我其受之代天牧人刑不濫施兵不妄陳孰  
尸天府永保乂民皇帝聖明膺圖闡珍曰宋家法仁  
厚如春惟曰圖回是憲是遵慈薰惠洽廣莫淪孰  
尸天府告猷有臣謂昔有池西湖之津羅戩所窺防  
禁弗申廣上之德封奏諄諄師曩稽首惟恭惟寅勒  
石湖陟作亭湖濱露囊金監率時縉紳與厥耆老戾  
止鱗鱗鳶飛魚躍整翰膏鱗天欲海涵贅取蕃蠢凡

百都人姦宄化醇欽上之惠捐畧棄緡仁民之心愛  
物是均民物一致天人之因人頌皇帝德冠羣倫奉  
承三宮八千歲春子孫繩繩螽斯振振 倘不備考

以記則後人必以無名子之言為信矣

葉紹翁四  
朝間見錄

六藝之一錄卷九十四

欽定四庫全書

六藝之一錄卷九十五

錢唐倪濤撰

石刻文字七十一

宋刻四  
銘記  
釋氏

等覺院記

宋彭太素行書等覺院記此碑刻于真宗改元之歲當是時四家之書未行故猶有唐人行押之勢覽之

翩翩自可喜也

立續記

沂州普照禪寺興造記

右沂州普照寺興造記仲汝尚撰程暉篆額仲汝芳刻石而書書則集柳誠懸諸字為之其視玄秘等塔銘蓋猶孫之于祖雖不求其必肖而氣脉不無闕涉記稱其地即右軍故宅故有曬書臺澤筆池吾于此而又有徐勉戒子書之感遂并以告淵泉兄也嘉靖

甲寅四月七日記

玄牘記

義和寺記



右宋太平興國四年立內言寺本晉人司徒嘗之宅  
內有昭明太子書扁經會昌之燬不存筆力甚適惜  
捐人庸俗前書人及撰者之名俱未及捐俟後遊時  
補之耳戊午十一月二十二日記

立牘記

宋馬雲夫行書崇明寺轉輪藏記

右紹興七年立張體純篆雲夫此書規模褚令蓋當  
時院體所遺今石嵌于院壁寺僧都不知之柳汧柳  
永年字壽卿者為余言遂併榻之聊作他時談柄爾

立牘  
記

宋季布楷書新公塔銘

高座本晉時古刹而碑碣絕無小碣隱于叢莽乃紹興初甘露傳燈正祖太師法永為東講院主慧新立者文與字雖不甚佳而實雨花之遺跡內言新公負母禮普陀遇大士化現曰觀音不在南方汝途中錯過又曰以有為身易無漏智事亦奇句亦古也嘉靖

庚申清明日記

立牘  
記

復唯識解院記

唯識解院者藍田故龍泉寺也有洪集者與姚氏共

復之而為之碑碑文寥落耳書或正或行或草或兼

一二筆小篆分隸其草又時作渴筆極竒怪道偉似

魯公誠懸而時復出入但記者為豫章黃闕其名書者

為瑯琊闕其姓名二字元題額者為鄭闕其名立石者為闕其姓

大雅諸人名姓無一全者獨刻者張遵姓名無恙人

固有幸不幸哉石墨 鐫華

唐圓測法師塔銘

法師諱文雅字圓測新羅王之孫也唐太宗時人與  
玄奘同翻經論萬歲通天元年卒葬于龍門其徒又  
分骸葬于南山之巔政和中文改葬于奘公塔左貢  
士宋復撰書書亦是宋書之楚楚者而以復不顯故  
無稱猶怪銘首稱大周豈以法死于武后朝耶因  
嘆武墨淫穢在唐以高宗故不至削奪而後世猶不  
唾去之何也

石墨  
鐫華

宋草堂寺舍利亭記

記作分隸書腕自遜古而時有一二筆効唐以前人

者不堪抵掌

石墨  
鵝華

普向寺多寶佛塔記

元祐八年瀛州防禦推官新知池州貴池縣事周壽

撰杭州智果院沙門道潛書充秘閣校理權通判杭

州軍事兼管內勸農事廖正一篆額

成化杭  
州志

上福院法堂記

咸平元年赤松張蒙文

蘭溪縣志

法輪寺記

咸平間胡公則記

東陽縣志

惠安院記

大中祥符八年永嘉周侃文

蘭溪縣志

景雲禪寺記

大中祥符五年九月周希古記

義烏縣志

壽聖院經藏記

天禧五年知封州史温文  
蘭溪縣志

明教院釋迦殿記

天聖三年范仲淹撰  
輿地碑目

法果教寺記

天聖二年十一月沙門仲林記沙門有交集王羲之

書  
上虞縣志

廣嚴寺記

寶元元年建安曾孝基記  
東陽縣志

白佛寺記

景祐二年三月廖偁撰

浦江縣志

重建上方寺記

慶歷六年三月濱州軍事推官李肩白撰

海寧縣志

葺慈禪寺釋迦文佛像記

慶歷五年太常博士胡昉記

上虞縣志

淨惠院記

慶歷三年大理評事何永錫文

蘭溪縣志



重修靈隱寺記

皇祐四年端明殿學士朝請大夫禮部侍郎李淑撰

成化杭  
州府志

福嚴禪院記

至和二年雄州防禦推官陳舜俞撰

至元嘉  
禾志

下竺靈山教寺記

嘉祐己亥七月翰林院學士知制誥判尚書禮部胡

宿撰

成化杭  
州府志

王逵千佛殿記

在靈巖寺嘉祐五年立

金石文字記

覺林院記

治平二年鎮東軍節度推官項晞撰

寶慶四明志

安國寺建大悲閣記

熙寧七年蘇軾撰

海寧縣志

於潛長樂寺記

熙寧丙辰奉議郎知絳州曲沃縣事東海徐發製文

淮南兩浙等路計置開封府界保甲賞物開封府東  
明縣主簿任廣書權管勾荆湖廣西路提點鑄坑冶  
事兼專切僱般上供及銅鉛錫宣教郎飛騎尉號略

楊蟠篆額

杭州府  
碑碣目

靜樂院記

熙寧四年進士徐龜蒙撰

淳安  
縣志

李公顏金像記

在靈巖寺元豐庚申

金石文  
字記

西林法惠院雪齋記

元豐三年四月秦觀撰

咸淳臨安志

慶善寺天台教院記

元豐二年丹徒葛縈撰

成化杭州府志

於潛西資閣記

元豐六年釋道潛撰晁深之書

杭州府碑碣目

龍井山壽聖院訥齋記

元祐元年朝奉大夫主客郎中楊傑撰

成化杭州府志

淨業院給界記

元祐五年五月知廣德縣事葛縈撰

成化杭州府志

昭化寺記

元祐五年中散大夫徐師閱文

蘭溪縣志

全州湘山塔石龜記

元祐六年宣義郎通判全州軍州兼管內勸農營田

事借緋王希篆額并書

湘山事狀

蓬萊山廣福寺記

崇寧元年三月權婺州永康縣事劉涓撰延祐四明志

壽聖院記

大觀己丑監本縣益監張弼秉道撰海寧縣志

龍泉院記

政和六年諫議大夫江公望撰淳安縣志

竹林寺羅漢洞記

崇寧間釋有挺撰奉議郎知永安縣事王道書嵩陽石刻

記

法寧寺記

宣和己亥趙彥柅記

東陽縣志

滿心教寺鑄鐘記

宣和六年十一月宗澤記

義烏縣志

靈隱寺資聖院記

靖康元年正月朝奉大夫直秘閣薛尚志撰

成化杭州府志

淨居院重建童兒塔記

紹興九年張九成作

咸淳臨安志

大智寺明月巢記

紹興庚辰直徽猷閣韓彥古撰直秘閣何大奎書寺

在富陽縣祥風村

杭州府  
碑碣目

惠安禪院記

紹興甲子權發遣秀州軍州事信安劉阜民撰

至元  
嘉禾

志

資聖寺佛殿記

紹興十五年十二月徽猷閣待制李正民撰

至元嘉  
禾志



華嚴律院記

紹興壬子十月知餘姚縣陳時舉撰

延祐四  
明志

禪智寺記

紹興十五年賈廷佐記

東陽  
縣志

普明律寺方丈記

建炎改元六月御史臺檢法官王廷秀撰

延祐四  
明志

南禪福嚴院記

乾道丙戌十月監行在左藏西庫李洪撰

海寧  
縣志

華藏禪寺記

乾道壬辰正月汪藻記

浦江縣志

育王寺供舍利金塔記

淳熙二年閏九月皇太子雄武保寧軍節度使開府

儀同三司判明州軍州事兼沿海制置使魏王愷書

阿育王  
山志

太平寺記

淳熙戊戌楊道記

弘治衛  
州府志

國清于門塗田記

紹熙改元八月邑令福清劉潮撰并書監寺可久立

石

天台方  
外志

東塔廣福教院記

慶元庚申三月僉書江陰軍判官廳公事永嘉鮑義

叔撰

至元嘉  
禾志

惠寂院觀音記

慶元丁巳朝議大夫知嘉興軍府事澶因王補之書

邵衡嘉  
興志補

真如寶塔記

慶元三年知上虞縣事永嘉鮑義叔撰

至元嘉  
禾志

東福昌教寺記

慶元丙辰二月孫應時記

餘姚  
縣志

興教院記

嘉泰元年里人范處義文

蘭溪  
縣志

湖州常寂院記

開禧三年二月陸游撰

吳興藝文補

真如教院華嚴閣記

嘉定壬申八月權知嘉興軍府事商逸卿撰

至元嘉禾志

新遷崇因院記

嘉定癸未姜元鼎撰

浦江縣志

龍興千佛寺記

紹定己丑仲夏程中書秘作

咸淳臨安志

南林報國寺記

端平元年八月李心傳撰吳興藝文補

招提教院置田記

嘉熙庚子暮春朝散郎徐植撰至元嘉禾志

靈雲寺記

嘉熙丁酉周仲虎記東陽縣志

重建慈恩塔院記

淳祐五年上巳知諸暨縣趙孟堅撰至元嘉禾志

重修法喜院記

淳祐甲戌發遣南康軍事楊幼度撰文主簿趙與

缺

書嗣榮王趙與弼篆蓋

海鹽縣圖經

廣恩崇福寺記

淳祐乙巳郡人王應麟撰

延祐四明志

淨衆教寺記

淳祐壬子五月劉英發記

上虞縣志

定善寺記

淳祐庚子十月朝散大夫李知退撰

上虞縣志

本覺禪院記

寶祐己卯朝奉郎徐聞詩撰 至元嘉禾志

真空壇記

慶元乙卯知塔惠曇書 湘山事狀

無歲月

大洪山靈峰禪寺十方記 張商英撰 輿地碑目

大洪山慈忍靈濟大師碑記 楊傑撰 輿地碑目

白雲菴記 王安國撰在應天府 天下金石志



蔣山寺道原泉記

王安國撰

天下金石志

蔣山寺八功德水記

梅摯撰

天下金石志

重建開寶仁王寺記

程直院公許撰

咸淳臨安志

靈芝崇福寺記

何叅政澹撰

靈芝崇福寺撥賜田產記

鄭丞相清之撰

廣嚴院記

王架閣應鳳撰

壽聖接待寺記

黃檢閱震作

崇福院記

李秀巖心傳記

慈嚴院記 曾旼記

保壽院記 趙直院汝談作

淨相院記 倪文節思撰

大仁院佛閣記 陳侍郎宜中撰

法雨院佛殿記 陳天麟撰

龍井延恩衍慶院記 楊次公撰

崇恩衍福禪寺記 馮尚書夢得撰

永隆院記 林直院希逸撰

大昭慶寺白蓮社記 孫運使何撰

廣化院白公竹閣記 鄭丞相清之撰

玉泉淨空院開山尊者記 周棟撰

普向院記 王中書希呂撰

重修靈鷲興聖寺記 樓枋撰

下竺靈山教寺記 強祠部至撰

中竺天寧萬壽永祚禪寺華嚴閣記 王給事信記并

書

上天竺靈感觀音記 鮑欽止代陳軒撰

重建福全禪院記 程中書秘撰

南禪資福院建大殿記 安著作劉撰

雷峰塔記 吳越王錢俶撰

六和塔記 曹勛撰

重建南高峰塔記 僧了心記

壽聖禪寺記 林直院希逸撰

徑山重建能仁禪院記 吳尚書泳撰

餘杭海會寺記 蔡端明襄撰

雙林院記 建溪黃揆撰

於潛明智寺記 秦湛撰 已上俱咸淳臨安志

興聖禪院記 叅知政事婁機撰寶章閣待制程公許

書 至元嘉禾志

廣化寺瑞閣記 葉夢得撰 吳興掌故集

資國廣福院藏殿記 頤菴居士劉應時書 寶慶四明志

資福寺記 樓鑰撰 延祐四明志

福源精舍記

尚書袁商撰

延祐四明志

延慶院記

夏竦撰

赤城志

嘉祐院記

宋諫議庠撰

報恩光孝寺僧堂記

守尤袞撰

妙智院記

陸佃撰在黃岩

永樂院記

提刑羅適撰在寧海

淨梵院記

呂本中撰在仙居

已上俱赤城志

國清三隱堂記

宋禹穴沙門志南撰

天台方外志

萬年寺塗田記 宋大理少卿宋之瑞撰提舉浙東常

平倉黃唐書

金文藏院記 宋邑令鄭至道撰縣尉鄭儀書

廣嚴寺記 宋苾芻有嚴撰則休書縣令吳師正篆額

無相院記 宋禮部員外郎楊傑撰禮部郎中崔度書

主客郎中鞠承之篆額

淨慧寺記并轉輪藏記 宋承議郎致仕韓韶撰金部

員外郎韓昭書

已上俱天台方外志

九峰菴記興福院記 俱宋諫議大夫江公望撰在建

德名勝志

白巖院記 王十朋撰雁山志

資聖寺記 宋臨川王安國記松陽志

蔣山太平興國寺莊田記 僧贊元撰金陵古金石攷

蔣山粧繪大佛殿記 侍郎劉岑撰

重建蕭帝寺記 元絳撰即鹿苑寺也文見梵刹志

能仁寺佛殿記 游九言撰記云寺南接秦淮數百步



其地古清溪之濱也寺有李建勳祠

殊勝寺記 楊天麟撰

戒壇寺記 韓元吉撰即古瓦官寺

保寧寺輪藏記 葉夢得撰文見梵刹志

天禧寺新建法堂記 李之儀撰

天禧寺白塔記 端拱元年僧可政得立焚頂骨于終

南紫閣寺葬于此起塔即今報恩寺三塔也

高座寺記 學士劉岑撰

景德棲霞寺殿記 高陟撰

知江寧府王安禮棲霞寺白雲菴記 寺志作侍讀張

環作

宋三藏法師道公塔記 在雨花臺後均慶院

鍾山寺道光泉記 王安國撰

蔣山寺八功德水亭記 趙師縉撰 已上俱金陵金石攷

道家

天慶觀北極殿記

知州宋坦雍熙三年記

輿地  
碑目

太后受上清錄記

孟應之官御書院祇候天聖三年奉旨書太后受上

清錄記并篆額今在茅山

書史  
會要

茅山五雲觀記

晏殊撰慶歷二年雷平胡恢書丹

劉大彬  
茅山志

宋于真菴記

此徽宗為道士于元隱羽化作都轉運使任諒撰記

而集唐歐虞褚薛顏柳李陽冰諸書者也亡國之君尚虛無而忘政治無足言者其書歐虞褚居十之七顏柳薛才間出或以顏柳字大不倫薛書少故耳李則獨以篆額集刻俱善但書而百衲殊不足觀存之

以備一種

石墨  
鐫華

拱極觀記跋

易曰神而明之存乎其人本觀舊記爰自聖朝靖康改元中朝奉大夫薛公名公度所作刻諸琬琰意欲

傳于久昨緣兵革蠶起大火縱焚致于泯滅其文則  
道之竊嘗錄之以行逮今十三載矣經曰天地運度  
有數而不失也道之雖至愚緬思景貺得非真君之  
密贊耶謹募工重刊于石恭銘休美云時紹興九年  
歲次己未中元日前西嶽知殿兼拱極觀主賜紫道  
士雷道之謹記 右小碑本在拱極觀觀已久亡萬  
歷中有人培地得此碑置之嶽廟中與宇文周碑並  
立其碑文鄙淺無足采然吾于是有以見宋人風俗

之厚而黃冠道流猶能念本朝而望之興復其愈于後世之人且千萬也夫紹興九年高宗方在臨安而金人有許和之約考之于史八年十二月丁丑詔金國使來畫割河南陝西故地通好于我令尚書省榜示九年三月丙申王倫受地于金得東西南三京壽春宿亳曹單州及陝西京西之地四月辛亥命樓炤宣諭陝西諸路十年五月金人叛盟陷永興軍則此地之復歸于宋蓋無多日而雷道之一道士耳能于

干戈喪亂之際而係思本朝辭微旨切以視夫士大夫之覲顏臣僕者不大有逕庭耶余見朝邑藏春塢之記稱阜昌癸丑而西安府學有華夷圖刻亦稱阜昌七年以偽齊劉豫之號而欲壽之貞石豈不見此文而愧死也其沒於土中久而後出豈陷金之後觀主埋之如鄭所南井中心史之為耶

金石文  
字記

天慶觀增修聖祖殿記

紹興二十七年十月左朝請郎朱敦儒撰

至元嘉  
未志

元應善利廣濟真人祠記

紹興十一年三月李彌綸記 天台方外志

元寶寶觀記

紹興四年徐端益記 東陽縣志

淳安天樂觀記

紹興十年九月左朝散大夫方聞撰 嚴陵志

重修桐栢觀記

乾道四年昭信軍節度使曹勛撰 天台縣志



茅山凝神菴記

淳熙十年朝散大夫新權發遣處州軍州事贊皇李

虞全記并書

茅山志

三茅寧壽觀記

慶元初中大夫陸游撰

咸淳臨安志

四聖延祥觀記

慶元四年起居郎張貴謨撰

咸淳臨安志

慈寧宮重建洞霄宮記

寶謨閣待制陸游撰 成化杭州府志

嘉定皇后受錄記

嘉定三年承議郎知建康府句容縣事兼管內勸農

營田公事朱拱臣建并書 茅山志

隱真道院記

端平改元關棧表卿撰 至元嘉禾志

洞陽館記

嘉興丁酉丹陽張湜撰并書 茅山志

天慶觀記

淳祐二年四月朝奉郎兼吳益王教授盧壯父記

咸淳

臨安志

元妙觀宋高宗御書道德經石刻記

盧壯父撰

成化杭州府志

報忠觀置田記

咸淳五年七月太常丞黃夢炎撰

至元嘉禾志

報忠觀記

咸淳五年七月太常丞黃夢炎撰嘉興府志

無歲月

白雲崇福觀記 黃中書古今碑帖考

蓬萊觀記 樓鑰撰成化四明志

元應善利真人祠記 唐仲友撰赤城志

天慶觀三官堂記 夏竦撰赤城志

九天僕射祠記 郡倅李彙撰 姑蘇丁椿書天台方外志

重修桐柏道藏記 宋夏竦撰天台方外志

桐柏金籙齋記 宋郡守曾會撰又有設醮銘靈寶齋

投龍記皆會撰 天台方外志

導元院記 秘書省校書郎張仁頴撰仙都山道士葉

壻秀書 天台方外志

乾元宮記 劉偉記又淳熙十五年謝諤記

逍遙觀記 宋葉仲謙記 松陽志

萬壽宮記 崇寧中何執中記 枯蒼彙紀

修復洞神宮記 朝散大夫文復之撰見玄觀志 金陵古金

石考

附

升元觀牒

尚書省牒准泰寧軍奉符縣升元觀

右第一行

泰寧軍狀

據兗州儀曹掾兼兵曹婁寅亮狀稱契勘

兗州奉符縣泰山之下有古洞天周圍三十里名曰三

宮空洞之天載石圖經是實即目宮觀並無名額只却

有建封院一所逼連嶽廟之後殿屋完備田產頗多只

有一村僧占據住持任從民間安攢邱墓穢惡不蠲深  
慮觸瀆真仙不便欲乞備申朝廷改為道觀州司看詳

本院委合改充前件洞天道觀伏候指揮

右小字

牒奉勅宣賜升元觀為額牒至准勅故牒

右大字草書

起復大中大夫守左丞王 卍

特進少宰 卍

起復少保太宰 卍

太師魯國公 不押右字畧小真書

政和八年六月十四日牒 右末一行

政和八年閏九月二十一日襲慶府管內都道正兼權

措置知升元觀事洞元大師賜紫道士李冲寂立石 在左

下方之

右碑在泰山東南麓升元觀其大字草書甚道勁不知何人筆錄之以見當日牒文之式考宋史婁寅亮傳但云政和二年進士為上虞丞不言歷官兗州亦可以此碑補史之闕其曰太史魯國公則蔡京也求

古錄

祠廟



水仙王廟記

寶慶二年袁安撫韶建自為記

咸淳臨安志

忠清廟記

王安石撰碑亡已久嘉興四守趙與權重八石又記

王安國撰

順濟廟記

嘉泰二年兩浙轉運司主管帳司李長民撰

惠應廟記

政和乙未七月左朝奉郎權發遣荆湖北路提點刑

獄公事周秋記

會靈廟記

李直院壁并書

廣惠廟記

一慶元丙辰錢塘主簿趙師白撰

一慶元丁巳監潭州南嶽廟求梓撰

水府靜鑑觀記

寶慶三年翰林學士程秘書

已上俱咸淳臨安志

唐相陸宣公祠堂記

淳熙四年東萊呂祖謙撰

至元嘉禾志

嶽廟記

大觀四年七月通判杭州軍州管勾學事陸周撰

元至

嘉禾志

修嶽廟記

紹興三年五月秀州軍事推官張祿撰

至元嘉禾志

陳山顯濟廟記

宋龔頤正撰 海鹽縣圖經

重建福業院陳山龍君行祠記

海鹽縣尹顧詠撰 海鹽縣圖經

金山顯忠行廟記

建炎三年提舉兩浙路市舶司魯啓撰 海鹽縣圖經

張孝子祠記

嘉定十四年著作郎張處撰 寶慶四明志

重修善政侯祠堂記

咸平四年蘇為撰

延祐四  
明志

李陸二公祠堂記

治平元年關杞撰

至正四  
明續志

重修劉忠顯公祠堂記

乾道丁丑七月史浩述

弘治紹  
興府志

州學六賢祠堂記

吳子良撰

赤城  
集

四先生祠堂記

劉燭撰

赤城  
集

謝上蔡祠堂記 葉適撰 陳耆卿赤城志

白鶴山靈康廟記 唐仲友撰 陳耆卿赤城志

陳忠肅公祠堂記 陳振孫撰 宋林逢吉赤城集

韋溪先生祠堂記 鄭公鯉撰

臨海縣城隍廟記 王子輿撰

董將軍廟記 林師點撰

蒼山廟記 鄉貢進士廣平宋誠記

鎮安新建景福閣記 姜容撰

黃巖縣學三賢祠記 陳耆卿撰

後梁宣帝祠記 王藝撰

三台祠記 陳貴謙撰

重修仙居縣城隍廟記 俞建撰

石藤石稜二夫人廟記 林師酥撰

已上俱赤城集

顏魯公祠堂記 宛陵太守王遂記在句容

金陵古金石攷下同

明道先生祠記 知府事劉珙立晦庵先生記之

明道先生祠記 安撫司幹官游九言記

明道先生祠記 真德秀撰

留守劉忠肅公祠堂記 李處全撰在蔣山東

范忠宣祠堂記 袁燮撰嘉定八年知府事劉槩立

真西山祠堂記 王遂真撰

南軒先生祠堂記 知建康府杜杲記

吳大資祠堂記 曹庭褒撰吳淵潛之兄也官至資政

殿大學士乃吳柔勝之子溧水人

野亭先生祠堂記 祀主管江東運司文字馬之純者



倪垕撰文之純廉平公正有金陵百咏詩後五十餘年孫光祖三任建康祖孫有祠亦盛事也

馬觀文生祠記 趙與种孫益大撰祀馬光祖

惠烈廟記 曹熙撰在蔣廟

晉元帝廟記 知建康府葉適撰廟在石城西從祀三十六人

忠烈廟記 一胡銓撰 一知建康府姚希得撰

卞忠貞廟記 左丞葉夢得撰

康樂公廟記 孫之翰撰

秣陵東嶽廟記 知縣徐龜年撰嘉定四年

三聖廟記 吳崧撰嘉定十年

江瀆廟記 知建康府黃度撰

惠澤王廟記 政和元年知府薛昂建廟刻石

忠襄楊公褒忠廟記 知府葉夢得撰

忠襄楊公祠記 魏了翁撰

忠節王公廟記 劉岑撰王珙死于金難祠在半山寺

相近岑吳興人遷居溧陽號杼山居士

旌忠廟記

葉夢得撰廟祀統制姚興

顯忠廟記

洪邁撰

已上俱金陵  
古金石考

六藝之一錄卷九十五

欽定四庫全書

六藝之一錄卷九十六

錢唐倪濤撰

石刻文字七十二

宋碑詩刻

石延年籌筆驛詩

予家藏石曼卿大書籌筆驛詩宛類顏魯公心畫今

友人曾無疑又示其行草二十字絕似柳誠懸范文

正公云曼卿之筆顏筋柳骨諒哉

平園集

右驛在蜀中綿州石曼卿為諸葛武侯賦也寶元二年大書以遺朱復之後二年朱為四明節度推官遂刻石於廳事中更兵火碑仆於榛莽間凡百餘年劉偉至出而函置南堂壁間且以名其堂闕一角失十五字紹熙元年守林采得曼卿集而補之且舉范文正公誄石學士書於後云曼卿之詩氣雄而竒大愛杜甫酷能似之曼卿之筆顏筋柳骨散落人間實為神物今觀此詩此字則所謂實為神物非虛器也青

萍劍名杜詩秦州見勅日除薛畢有誰定握青萍之

句

蘆浦  
筆記

霍山中鎮廟宋陳綱詩

留題霍山應聖公廟 太常博士知晉州陳綱

峻極巍峩勢望雄層巒疊嶂翠重重為神有感興唐  
祚作鎮無疆福晉封材產十州資構厦泉分數邑潤  
耕農幽巖舊搨高人隱絕頂遺墳古帝蹤欲雨片雲  
生峭壁未明先日照危峰斷崖當午晴雷震深壑經

秋積靄濃樵去每逢遊洞鹿僧禪時見戲潭龍名光  
祀典傳千載御祝牲牢致享恭

大中祥符五年六月二十二日尙嵐軍判官鄭世卿

書

栗再興刻字

求古錄

靈巖寺宋李迪詩

大丞相文定公游靈巖詩

靈巖山勢異金地景難窮塔影遮層漢鐘聲落半空

千峯羅雉堞

山如城壁之狀

萬仞聳屏風飛鶴來清竇

有雙鶴泉



剡魚掛古桐名曾參四絕峰合亞三公勢澈河濡遠  
行差嶽鎮雄僊問鄰峻極月觀伴穹崇邃洞連蓬島

重巒鑿梵宮

山面有證  
明功德巖

望應銷俗慮登喜出塵籠獻

壽嵩衡並分茅岱嶽同良方標出震午位對升中嵐  
滴晴煙碧崖鋪夕照紅魏我齊泰華奇勝敵崆峒鍊  
句供詩客模真怯畫工天孫分恠狀神化結全功吟  
賞慵回首林泉興愈隆

先丞相天聖間嘗留詩寺壁後主僧刻石逮今歲久

字畫刊缺因命工再刊石紹聖五年三月中澣日姪  
曾孫新滑州白馬縣主簿李侃敬書

右小石刻在濟南府長清縣靈岩山寺中其山距  
府九十里南接泰山北帶龍洞齊乘以為疑即水  
經之玉符山而魏書所云朗公谷者在其東南自  
前代稱為勝境宋金元人題字最多予至則當兵  
火之後縱橫偃蹇委之荆棘瓦礫之中然猶得唐  
一宋金四十餘元以後不能悉數唐刻為天寶十

一載造舍利函記文不工不足錄而宋刻年月次  
以此首按史李迪謚文定前後三知兗州其再任  
乃仁宗天聖中也

求古錄

### 滕涉詩

天聖戊辰歲七月奉詔解青社印歸闕道出魯粵十  
四日經靈巖之山靈巖古地也山經地志頗載竒勝  
因飭駕游于是於時金火交勝天宇如灼周覽未卒  
頓獲清涼益古之君子登山覽絕景思有以不忘

者矧今相國隴西公復題名于壁余因命筆以繼君  
子之行兼記歲月而已 行右諫議大夫前知青州

軍州事滕涉

山半舊招提捫蘿躡石梯佳名標四絕勝境出三齊  
殿古煙霞窟庭深檜柏蹊嶽靈分地界雲險接天霓  
香篆清風裊松廊翠巘低飛塵無路入幽鳥隔巖啼  
夢破泉聲急飄涼竹韻淒微陽生頂上殘月落峯西  
暫到猶塵慮長居信覺迷致君功業就向北卜幽棲

求古  
錄

祖無擇詩

寺有四絕一曰靈巖余以赴官獲茲稅鞅因賦拙句

用志其行 新通守濟南祖無擇

嘗想靈蹤得道難因回征轡此盤桓松風逗磬僧齋

冷石水環堂客夢寒聖作儼同堯典布寺有偃蓋松白鶴泉及太

宗皇帝御製御書古碑猶是魏朝刊最憐山色當樓好欲去

重來一凭欄 景祐五年十月廿三日求古錄

孔舜思詩

題靈巖寺 尚書職方郎中通判齊州孔舜思

忽從平地出塵籠親到諸天釋梵宮却悟冗官長役

物爭如大士日談空山橫青壁千層合泉迸丹崖一

線通幽鳥靜啼人外境疎鐘不墮世間風日無可欲

猿猱伏心絕微塵冰鑑融自恨無緣陪宴坐它生願

效種松翁 熙寧九年丙辰十月 缺 日住持傳法

賜紫沙門 缺 立石 求古 錄

張會宗詩

留題贈靈岩鑒公禪師 守秘書丞分司南京張會

宗

人中令德居高地 天下精藍占好山 四絕名標清世

上十方僧聚白雲間 二龍珠照看經靜

寺僧謂予曰 此寺嘗有識

者曰二龍 玩珠勢也

雙鶴泉供洗鉢閒 早晚利榮韁鎖脫性通

三教扣禪關 丁巳三月二十七日

求古錄

鮮于侁詩

留題靈巖寺七言一首兼簡載師長老 鮮于侁

馬煩筮策車馳轂終歲塵勞常碌碌喜聞巖寺並山  
中路轉清溪入幽谷乍行山口疑洞天窮深一上翻  
平田千層臺殿隱林木四面石壁生雲煙山僧迎門  
笑相揖為語祖師存往迹屈指于今八百年已在西  
來達摩前鶴鳴飛止黃金地錫杖湧起清涼泉境稱  
四絕名天下天台石橋乃其亞千峯不改歲寒時一  
水最憐秋月夜半生遊學頗艱辛且向空山老此身



也知方丈安禪處解笑東西南北人  
元豐二年正

月五日住持傳法賜紫守載立石

求古錄

### 寃亭卞詩

留題靈巖古詩十韻  
寃亭卞

卞字下缺石一角

屈指數四絕四絕中最優此景冠天下不獨竒東州

夜月透巖白亂雲和雨收甘泉瀉山腹聖日穿崖頭

大暑不知夏爽氣常如秋風高松子落天外鐘聲浮

祖師生朗石古殿名般舟人巧不可至天意何所留

老僧笑相語此事嘗窮求移出蓬萊島待吾仙子遊

元祐庚午三月二十八日東武王璞書

求古錄

蔡安持詩

四絕之中處最先山圍宮殿鎖雲煙當年鶴馭歸何處世上猶傳錫杖泉  
元祐壬申十月中浣睢陽蔡

安持資中題

求古錄

杜欽況詩

靈巖行 杜欽況

山迴路疑絕林深秘巖扁鑿翠出金碧開軒列雲屏  
希有昔成道久矣斯巖靈法定卧蒼壁白日穿空明  
金威指泉竇一鑿秋寒澄定水供言衆不縮亦不盈  
如公禪中秀於世本無營聊為出山雲乘風任縱橫  
坐令多寶藏百神轉雷霆夜月嘯雕虎玉匣開晶瑩  
笑指八解池外流中不傾何必空山雷始悟物我情

宣和六年三月廿七日書

求古錄

呂惠卿詩

留題興安王廟 資政殿大學士河東路經略安撫

使呂惠卿

翦葉疏封意歸禾協濟心遺風因唐遠積德本周深  
逝水悲興廢浮雲閱古今祠宮尚翬翼鳴玉漱招陰  
右小石刻在晉祠祠距府西南四十里懸壘山之  
麓晉水之所發源後人於此引池結亭駕橋其上  
杯水翳然足為一方之勝其廟負山而東面者晉  
水之神南面者唐叔之神後晉天福中封唐叔為

興安王而宋時又封晉水為顯靈昭濟聖母飾為  
婦人之像今之人但言聖母而不復知有唐叔為  
古先有土之君矣故特錄此詩亦以此祠自唐御  
書之外別無文字故也祠前蓮花臺上有鐵人四  
一紹聖四年一五年造俱完一弘治十一年一無  
年月俱壞因知今人制作不逮古人類如此豈獨

文章也哉

求古錄

王安石此君堂詩

王荆公與其弟平甫此君堂詠竹二首相傳皆公所書石刻在今應天府學公書氣韻飄逸勢若率然而未嘗無從容整暇之意亦自成一家昔人論公書類忙時所作此說非也但學書者不可為法耳

東里集

宋蘇軾書樓觀詩

詩刻在唐靈應頌碑側道逸可觀元人以磨泐別摩一碑今時搨者是元刻原碑側字雖不可搨而視此霄壤矣詩則余不敢知為何語也

石墨  
鐫華

蘇軾書上清宮詞

上清宮即徐鉉作碑述神人降于鳳翔者今在盤屋  
盤屋昔屬鳳翔子瞻判鳳翔過此要子由同賦薛紹  
彭請書刻石適逸豐美比公他書尤勝石舊在本宮  
一道士院中斷為二余與余友徐宣伯偶過觀之搨  
二紙其後邑侯王公之柎移置衙齋作碑亭焉

石墨  
鐫華

蘇子瞻行書歸去來辭

右石本在潯陽長公此書用筆圓鋒鏐都不露後有

跋差大字更疏爽余少藏是本每暇則臨數百字嘗  
慨想惠順自言惠州不在天上之語而壯之謂其間  
關萬里只求長公一書為誕及今觀之此公書真足  
以博惠公一死然公不書他文而獨書靖節此詞豈  
非所謂飽吃惠州飯細和淵明詩者深有感于中耶

立牘  
記

黃庭堅書陰真君詩

此石刻在夔州漕司白雲樓下黃書無出其右者嘉



定巳巳四月辛卯放翁書

渭南集

陰長生此詩非山谷書之幾沒於世然此卷卒為世所重者豈以其詩哉抑之刑曹好藏古法帖能識其妙此又其先博士公時已藏又其家之故物云

鮑翁家藏

集

山谷老人書後漢陰長生詩三首今藏刑部尚書馬公柳之題其後云忠州本都山仙都觀朝金殿西壁有天成四年人書陰真君詩三章余同年許少卿以

為真漢人文章也以余考之信然偶得佳紙為鈔此  
詩穆觀道家書往往言及陰君今併觀其詩誠不凡  
之仙也詩詞旨高古而人間少傳故錄之其一維予  
之先佐命唐虞爰逮漢世紫艾重紵予獨好道而為  
匹夫高尚素志不事王侯貪生得生亦又何求超迹  
蒼霄乘飛駕浮青鸞乘翼與我為仇入火不灼蹈波  
不濡逍遙太極何憂何慮遨戲仙都顧閔羣愚年命  
之逝如彼波流奄忽未幾泥土為儔馳走索死不肯

暫休予之聖師體道知真昇騰變化松喬為鄰其二  
維予同學一十二人寒苦求道歷二十年中多怠惰  
志讓五經避世自匿二十餘年名山之側寒不遑衣  
饑不暇食思不敢歸勞不敢息奉事聖師承顏悅色  
面垢足胝乃見衰識遂傳要訣恩深不測妻子延年  
咸享無極黃白已成貨行不堅痛乎諸子命也自天  
天不妄授道不歸賢勤加精研勿投幽壤何時可還  
嗟爾流俗富貴所牽神丹一成昇彼九天壽同三光

何但億千其三維予垂髮少好道德棄家隨師東西

千億役使鬼神玉女侍側子得度世神丹之力

寓意編

右山谷書陰真人詩三章自題云書以與王瀘州之

季子而不著其名末云紹聖四年四月丙午禪月樓

中書按公紹聖元年謫涪州時王獻可帥瀘遇之甚

厚獻可字補之嘗遣其少子至黔省公公集中有與

其少子王秀才書云車馬遠來將父命以厚逐客者

是已蓋王嘗遣其季子至黔此書相見時書故不及

於簡札耳觀其稱與而不云寄可見矣黃醬作公年  
譜嘗援以為據而不得詳予因略疏之此書初作方  
寸字後皆拳許大書蓋用敗筆草草寫成瓌瑋跌宕  
一出顏東方朔贊但字字剪轆成卷必是大軸經庸

人裝截耳

甫田集

黃庭堅書七祖山詩

山谷登七祖山次周元翁韻詩其書本得意筆而為  
再刻故且石頑而工拙所用峭側取老取媚筆意殆

盡其僅存者偃蹇桀驁之態耳詩亦頗自負得意語而類若為拙工頑石所侵者何也人苦不自知何緣

復寄王子駿

弇州山人藁

黃庭堅行書遊青原山詩

右碑遣筆俊偉惜刻手不佳有失真處然風神固在余嘗謂涪翁二詩如後首釣魚臺云笋蕨林塘晚絲緡歲月餘綽有唐意但以前篇觀之則用韻既險而說理又晦率多牽強餽湊欲令人以意解之此所以

謂江西派也

蒼潤軒  
碑跋

### 蔡端明詩刻

蔡端明書在宋代為第一萬安渡直欲迫摩崖此數

詩結體員勁典型俱在駸駸入顏光祿之室矣嘉靖

甲寅六月三日雨中借姚氏本觀于蒼潤軒因題

續

紀

### 薛紹彭詩刻

虞學士集評書謂坡谷出而魏晉之法盡米元章薛

紹彭黃長睿方知古法又云長睿書不逮言惟紹彭  
最佳而世遂不傳米氏父子世學其竒怪據此似于  
坡谷之後獨取紹彭也今中南樓觀有紹彭書詩刻  
余凡得五紙其一書唐人玉真公主莊玉真觀諸詩  
小楷法出入黃庭洛神無一毫滲漏其一書蘇子瞻  
詩其一書其叔薛周詩其一書王工部詩其一書一  
絕句字稍大或作真行其法皆自晉唐絕不作側筆  
惡態真可寶也紹彭號翠微居士其父師正重模定



武蘭亭其子嗣昌刻智永千文蓋世有書學者伯生

之鑒精矣哉

石墨  
鐫華

李駒遊中南詩刻

李駒通判秦中留題中南而鄠令崔珙書刻石駒詩

珙書皆不離宋人本色留之以見時代之下人自不

能使超也崔珙是又一人非唐廢相之判鳳翔者

石  
墨

鐫  
華

黃魯直行書此君軒詩

右弘治辛酉長洲薛英按蜀獲此碑于南榮立于分  
司覆之以亭自以為起廢涪翁九原之英爽亦一蘇  
醒昨玉泉公在南宋分司早發時忽見破屋中樹一  
石自披荆視之因搨以歸噫好事如玉泉公使薛老  
有知其亦蘇醒已乎涪翁此書與詩頗竒偉自言吐  
嗟而出文不加點蓋亦一時之興所至爾程嬰杵臼  
二句煞有江西派之意也丁巳六月雨中觀于蒼潤

軒紀

立牘記

黃魯直行書語溪行

右字遣筆妙刺手亦在青原詩之上

立牘記

司馬公祠堂詩

司馬晉州待制哀辭 太常博士通判延州軍州事

馬端

志古流難合談高道自明風波直恩分公為羣牧倅當曹之遷也

人以公始嘗堅辭其辟當自為辨公惻然謝曰今日正宜從其行也卒不以辨識者避之 鍼石盡

交情公與人交必盡規讓始若不勝其言退則敦義彌篤 讓節蒙知厚公在鳳翔日被

名知諫院公辭之  
自是深簡上心  
華班絕綺榮公生平特立至為賤  
侍從皆出宸選

生懷感遇當路假晶榮端辱公以八使  
慰薦遂蒙改官累次青油幕

端在益昌及岐  
下皆預賓席  
中間白玉京吏文容議緩端在幕府  
每奉公議

特被優假邦事恤言輕戊寅年端輒奏疏論事公  
時在京師嘗見憫孤直  
自此嗟

流梗何期苦見兵是歲別公出宰鄆  
城明年移倅邊郡塞垣心易動漳

浦信彌驚今春得三堂  
信知公屬疾玉藥悲無驗金臺望忽傾歲

闌雲慘淡天迴淚縱橫世有真忠亮今亡至直清舊

僚知葬日投此吊佳城

嘉祐元年十月三十日著作佐郎管勾河東路機宜  
文字雷憲書

右小石刻在夏縣司馬公祠堂西館中

求古錄

謁司馬溫國公墓詩并序

附錄

予到官之五日拜司馬溫國文正公墓顧瞻良久而  
有是詩實至元改元閏十二月既望也洞洋後學范  
庸頓首書

蒼蒼中條山悠悠涑河水哲人生其間而有司馬氏

山水秀且明桑梓故鄉里宋朝入相時天下聞之喜  
通鑑一編書名分盡乎禮天地大是非以禮為綱紀  
大哉君臣道逆順合條理遂令千載下驚懼良有以  
禹都鳴條岡邱墳峙高壘大儒世臣家何處孫與子  
我時來拜瞻昆仲沒荆杞考古詢寺僧懷賢心未已  
黨人仆其碑今日果誰恥杏花蔭龜趺異事入青史  
細讀東坡銘文章刺褒美回首悲風來商聲振林起  
大元至元四年四月九日餘慶禪院尊宿僧行選立

石

右小石刻與馬端詩同嵌一壁

求古錄

宋集右軍書牡丹詩

牡丹詩較絳州碑差覺風流而老勁處不如時有一

二筆纏綿者右軍帖中亡此也

石墨  
鐫華

宋贈夢英大士詩刻

贈英公詩者三十餘人陶穀宋白蘇易簡郭忠恕諸人皆在其中而備諸惡道無一首合作宋初人口語

如此無論初盛何可令許渾見也書手出廬岳僧正  
蒙得誠懸法以英公廟堂碑觀是其相知之深者故  
欲有効于英耳詩中書劉伶作劉靈

石墨  
鐫華

宋刻僧彥修草書詩

彥修草字詩李丕緒刻之于石曰筆力道勁得張旭  
法今觀其書殊無一筆似張長史者王元美曰如淮

陰惡少年風狂跳踉良是

石墨  
鐫華

宋慈雲寺集右軍書詩



此晉之玉兔寺志應請之張仲尹詩之靜萬集右軍  
書之集書起自文皇聖教後之興者蔑以加矣此書  
尚不及絳州碑僅存形似耳詩則余不敢知也

石墨  
鐫華

范成大行書四時田園雜興詩石刻

右范石湖行書後有周伯琦跋云公以文學知遇思  
陵阜陵遂登執政此詩蓋謝事後所作曲盡吳中郊  
居風土民俗不惟詞語膾炙人口而筆墨標韻步驟  
蘇黃之下使人健羨名不虛得詎不信然余向讀石

湖志慨想之不可得今觀元白所收墨本為之憮然  
然吳中近為海寇剽劫痛非昔日矣縱使石湖老人  
見之吾恐不賦田園而賦洗兵馬也

立續  
記

如愚居士書滿庭芳詞

昔僧有言儒門淡泊收拾不住所以皆歸于佛此言  
雖夸然人實有或因省悟或因不偶而逃之者金陵  
牛首山辟支佛方塔上有宋如愚居士滿庭芳詞云  
吾乃當塗棄儒奉道遵行聖海多年已逾三紀截滅

六塵緣習業自管度日未曾謁見豪賢般若力掀翻  
煩惱坦蕩獨脩然來斯千四載裝鑿佛像塔宇盡光  
鮮造遮暘石道直至水磴邊都係束脩已鏹捨為助  
道安禪知慚愧了無所得本覺性明圓字畫類山谷  
後書淳祐四年十月望日如愚居士書後又書云庚  
戌年九月初日化噫若居士者亦高人也哉

立續  
記

范公亭詩刻

有范仲淹歐陽修詩石在青州府城西門外

古今  
碑  
刻記

石壁山詩刻

宋虞仲房詩刻在台州府黃岩縣南

古今碑刻記

草衣岩詩刻

岩上有張天覺詩在長沙府湘潭縣之北

古今碑刻記

御茶園詩刻

宋魏徹孫撰在建寧府

古今碑刻記

浮觴亭詩刻

宋文同建并詩刻尚存在成都府崇慶州西湖側

古今

碑刻  
記

治平園詩刻

宋文同賦十詠在保寧府治東

古今碑刻記

折柳亭詩刻

宋鄭淵詩在保寧府巴縣西門外

古今碑刻記

燕居堂詩刻

宋陳堯咨之子義建有戒子詩八章石刻存在順慶

府渠縣

古今碑刻記

旌善院詩刻

有韓琦挽蘇洵詩在眉州之墓頤山

古今碑刻記

南山詩刻

有宋人龍田詩在潯州府貴縣之南山

古今碑刻記

棲霞寺詩

上元令趙晟作刻在古佛菴五龕石柱上

金陵古金石攷

趙知府棲霞寺大巖詩

寺志不載新志有之南宋有數趙氏知府事不知詩

出何人

手摩一丈玉詩

米芾書在棲霞寺

金陵古  
金石攷

黃公履金陵雜咏刺

周沔書

金陵古  
金石攷

蘇子瞻書漁家傲詞

送王勝之在白鷺亭

金陵古  
金石攷

蘇子瞻三過堂詩刺

在永興寺何大監祠堂壁上見金陵瑣事金陵古金石攷

黃山谷書韓文公城南詩

山谷紹聖五年五月上荔枝灘舟中書此贈陳德之

元提舉李浩刻在府學尊經閣下金陵古金石攷

張文潛書李太白鳳凰臺詩

馬光祖跋倪垕刻在鳳凰臺上金陵古金石攷

朱文公書邵堯夫游伊洛詩

刻在徽州明尚書楊寧取置南國子監金陵古金石攷



趙忠肅公秋風詩

馬光祖書

金陵古  
金石攷

讀書城南詩

朱協極隸書在蘇州府學

寒山金  
石林

海市詩

東坡書在登州

寒山金  
石林

杜工部古柏行

龍岩草書在陝西

寒山金  
石林

宋神宗詩

賜彥博 彥字上用  
御書之寶

四紀忠勞著三朝聞望隆亨茲難老祉報在不言功  
富矣勲彌大居焉貌甚冲西都舊士女白首踰瞻公

文潞公記

御賜詩記

元豐三年季秋 皇帝行大饗之禮于 明堂臣方  
守魏被召侍 祠大禮慶成後四日特蒙 制恩進

位太尉保釐洛郊臣犬馬之年七十有五前此累年  
章十數上以求致仕 聖慈俯憐舊物曲念老臣皆  
未之許今復優進公位 俾守別都自顧衰殘非敢  
當克俯伏辭避至於再三訖不獲 命乃以閏月二  
十三日 陞辭翌日出 都仍錫宴于瓊林苑悉以  
二府大臣押伴既又 臨遣中使內出寶器 俾醕  
天醴以極魚藻之樂及賜 御詩以寵其行臣伏  
思蒙厚恩荷 殊渥自近世逮本朝以來未有其比

則有弼臣惇奉 詔作序事義詳矣臣雖窮極語言  
不能盡意惟知負戴天地生成之德感極而繼之以  
泣恭惟 陛下聰明睿智煥乎有文 帝庸作歌光  
紹前典伏自 臨御以來十有四載而英韶之韻雲  
漢之章百執願聞萬物思覩者久矣曾未之得夫何  
老臣首蒙 天賜至榮至幸超絕等倫始在 都門  
則已傳布于 宮省尋抵洛宅又得診示于吏民是  
用圖金刻石以永其傳將與夫日月並期 天地同

久復使臣之子子孫孫相繼率勵保之守之亦克永  
世至於老臣為不朽矣元豐四年正月三日河東節  
度管內觀察處置等使守太尉開府儀同三司行太  
原尹判河南府事西京留守司公事兼畿內勸農使  
上柱國潞國公食邑二萬三千六百戶食實封一萬  
一百戶臣文彥博謹記



六藝之一錄卷九十六

詩經年佩符五卷之六

*[Faint bleed-through text from the reverse side of the page, including characters like '詩經', '年佩符', and '五卷之六']*